



ル 5
3163
8



門 5
號 3163
卷 8

東湖縣志卷十八

方伎志

宋史立方伎傳大旨謂苗亂天常經重黎正之而不能救南人好鬼沿以成俗遂為後世術家所宗

歐陽修咏彘陵風土早有慨乎其言之

國朝陸隴其修靈壽志不錄寺觀持論甚正然琳宮梵宇徃徃多名蹟間與山川掌故相發明今即仿史例別立一門寺觀附焉於彼說之不經者姑置弗辨爰鑑於荀卿非相之失云志方伎

術伎

東湖縣志卷十八 方伎

昭和十四年四月
六月十七日
編求

唐

白皎荊州人有法術河陽從事樊宗仁過江陵爲舟子王升所侮因訶而答之易他舟上峽發荆不旬日所乘舟忽失纜篙棹皆不能制舟人曰此舟已爲讐人所禁歷石灘必沉溺不如先具備焉翌日至難船果覆賴有備得免宗仁與僕蔭於樹下及夜深忽見山獠五人列坐皆挾利刃宗仁大呼曰吾今絕糧已逾日爾家近者可飲食以活我山獠環視去未曉負米肉鹽酪至宗仁語以故山獠曰峽中行此術者甚衆唯王升者非白皎弗可制吾

爲若延之明日皎至掃地爲壇立中
叫召王升不絕良久乃至則王升形魂焉皎於是數以罪狀升號泣而去宗仁解衣贈皎皎不受後得進舟江陵訪王升皎召之夕已死

明

李本立字仁卿夔陵人博學強記著述之暇輒鳴琴自娛晚攻岐黃術遠近賴以生全者甚衆嘗自謂延生三品藥養性一操琴吾事足矣又有石徑掃煙春種木竹窗留月夜鳴琴之句著心制神方柱史日錄益有裨於後學以子雲贈奉直大夫

國朝

徐啟祚妙善繪事明崇禎中楊嗣昌勦賊至夔陵啟
祚圖上楚蜀山川形勢嗣昌表爲隨征守備歷官
至總鎮順治九年同定川侯李占春率所部降改
授永昌府同知子鼎見人物列傳亦善畫

陳景字宇文號借山其先荊州人徙居夔陵少好擊
劍有俠氣嗜酒自放忽折節讀書嘗步章華臺歸
次塔橋觀羣鴈飛鳴悟筆意字學日進與詩人王
釀友善間爲五七言亦有風致晚益肆力於畫得
米顛倪迂生趣嘗謂天地間有真山水何待向人

本求生活遂縱遊洞庭衡岳并入蜀遍探諸名勝
繪事日益工寫花卉翎毛亦入能品友人徐世培
贈以詩比之吳小仙名遂大噪片帋寸楮人爭寶
之

楊溥字偉濤號鑑山家貧失學長而自憤書史之外
旁通繪事常學畫於河東孟兆泰得其指授寫生
入佳品晚尤以山水擅場與其伯兄清仲兄浩交
相友愛浩早喪偶遂不再娶云

僊釋

明

雷九功夔陵人生有異相手可過膝少不慧一日有張道人呼其小字遂從之遊引入一樓飲食歌舞非人間有一日欲之長陽令功閉目耳中但聞風聲俄頃至歸過石門洞道人以土書月峽張仙數字至今猶存久之道人辭去授書一冊自是知來事好事者索視其書功不許乃強之遊葛道山再次中流脅之功稍一展視大風忽作失書所在須臾空中墜字一幅云隱姓塵中點化人誰知却是木呆生可憐誑我天書去漏洩天機百病生功曰吾以某一行矣至期卒年僅弱冠有僕道遇於東

山寺下袖中出鑰匙命之帶回及至家聞哭聲始大駭視所遺鑰乃館中誤歛也道人不知何許人或以爲張三丰云

羅萬策字明獻夔陵人少遊太學有聲仕郡佐視事輒病退而憤則否因決意致仕當策走長安時夢入一古室兩沙彌前導至一室有大書法朗二字自是醉餘詩暇輒復夢至其處及解任道經一寺恍如舊遊須臾二沙彌前迎歷歷如夢中至一室則大書法朗二字在焉策異而叩之則曰吾師祖法朗坐化久矣自是策每題咏輒自識爲法朗

云

國朝

秦和尚不知其名病瘋廣修橋梁山林城市隱見無
常年八十有餘語未來事多奇中鄉人異之康熙
甲寅年九月積薪南關外手執木魚柴籠令衆僧
發火觀者如堵僧向衆約曰萬善橋修理未堅過
四十年應有重修者火焰及身僧猶手擊木魚誦
佛號不絕而化次日有自北道來者見僧於山中
至城始知僧已死矣後康熙甲午年知州宗思聖
適蒞 大陵首捐廉修萬善橋工果極堅距和尚

圓寂正四十年若與前約適相符云

宏源僧名乾御西蜀人頗通禪理間作五七言詩亦
饒風致州司馬陸紫飛廷主甘泉禪寺講席學博
唐惟次張振南各贈以詩一時文士多與之唱酬
所著有甘泉集

德儀字鴻衢別號鶴山州人本王氏儒家子康熙乙
丑年已四十許子若孫皆附於學忽棄諸生逃於
禪叅藥山長老若有所悟歸董修童公橋費有不
敷募資成之愛綠蘿溪山水就古刹舊址結廬以
居註金剛觀音明捷解各一卷所著語錄多爲好

佛者傳誦云

寺觀

彌羅宮在城內東北元皇慶間魏海建

藥王廟在鎮轅東與五聖宮連皆郭維藩捨宅

觀音庵在城內東北隅雙堰堂側康熙二十年總鎮

嚴宏重修

準提庵在城內東墨池巷內康熙五十八年右營游

擊李應源前營游擊袁朝暹同修一在東門外

伴梅居在城內東南隅舊名三教堂康熙二十八年

建乾隆間奉文禁葺今更名

白衣庵在城內西康熙四年建雍正三年士民李啓

變何林唐科等重修

甘泉寺在河西孝子巖互見祠祀

三元宮在河街近郭康熙十年知州鮑孜建

清真寺在爾雅臺側乾隆二十一年回人衆建

萬年寺在東門外里許邑人李完初建乾隆十三年

重修

十方堂在東門外明州人陳爾鼎建今廢

華嚴庵在東門外里許修建年月無考凡後未書者

皆倣此

地藏庵在東門外近郭雍正十年重修

太平庵在太平橋近郭

圓覺庵在南門外里許明州人陳禹謨建乾隆二十七年重修

棕庵在南門外里許州人陳嵩祝建今廢

希有庵在南門外二里許明州人李雲建今廢

十方庵在南門外五里

西霞寺在西塞壩面小江舊名土主廟乾隆二十二年被燬重修更名

五通廟在西塞壩臨大江奉文禁華址尚存

松隱庵在西塞壩背大江

太和觀在西塞壩面大江

八廟在西塞壩腦

東山寺在東門外去城五里其山蜿蜒盤礴而東爲

一城之鎮舊建浮圖其上前爲覽勝樓登山四望

面葛道諸山俯視江流皆在襟帶唐建明萬歷丙

申年知州童世彥重修郡人王篆記其事

國朝總兵劉業溥復修歷代名人遊覽俱有詩載藝文

茶庵在東門外明州人李雲建

豐寶山廟在峰溪舖

芥子庵在峰溪舖

五興山廟在大泉舖創始無考明萬歷年間楊慈善募衆重修至天啟六年竣工州人李雲有記近燬於火

沸水庵在大泉舖康熙十二年重建前有沸水堰詳

山川志

龍泉寺在龍泉舖

青龍寺在龍泉舖

雙泉寺在雙泉舖相傳舊有雙泉在寺今皆湮沒寺創始無考明宏治二年重建

天寶山廟在雙泉舖

白雲庵在雙泉舖東創於康熙初年今廢

香煙寺在雙泉舖路當東湖遠安孔道相傳元延祐間建寺明嘉靖壬戌僧隆賢及邑人吳進道重修邑境寺觀壯麗幽雅無踰此者

天峰寺在天峰舖唐建宋至元十六年明萬歷丁酉國朝順治九年康熙十六年屢修

鳳凰觀在天峰山頂

南天山廟在新興舖元建廟前後左右山田俱係土人黃曹張三姓施與

硃寶山廟在咸池大溪下坪交界處明崇禎辛巳年知州楊傳松重建及

國朝乾隆二十一年鄉人重修

白馬廟在下坪舖順治丙申年僧性源募建西來閣於前

迴龍觀在下坪舖康熙辛巳年僧寂量募修有碑記相傳郭璞曾遊此

龍興寺在咸池舖旁有紫蟬泉唐建相傳高僧神秀駐錫於此明宏治四年僧圓慶募修當陽訓導王相為立碑正德庚午僧明泰復修山門宋歐陽修

遊此有詩載藝文

普庵寺在咸池舖祥鳳山宋建明成化十七年鄉人楊源僧普旺重修

關帝廟三一在普溪舖一在深溪舖一在楞演舖三台觀在普溪舖順治初重修乾隆戊午

惠有記其略曰郡北六十餘里有山焉磅礴而隆起相傳為三國關呂對馬處於傳亦無考實吾郡

眾山之宗山半有峰翼然端負翠屏俯臨眾壑體具全山之勝上有廟曰三台昔先君子居鄉偕里

人增修而式廓之莫或廢也

興佛寺在普溪舖其創始無考內有宏治十八年鐘

水月庵在河西舖

彌陀庵在羅惹舖明季僧默然創建

國朝庵僧方證重修康熙四十六年有廟田為眾所據

邑武舉張天然為白於官清復立案

鎮水庵在羅惹舖康熙五十年邑人黃光大因彌陀

古刹修建更今名

總廟在羅惹舖

文昌閣在大王舖宋著作郎陳著肄業於此高安令

楊大異守夢經此捐修後圯里人重修置

雲台觀在大王舖

普濟寺在大王舖創始無考明隆慶元年僧淨德募

修萬歷九年康熙甲午復修

院庄寺在院庄舖伏牛山舊名圓通刹元建明洪武

初鄉人譚仲華施有常住田 國朝康熙四年僧

筆峰重修

達祖廟在青草舖

白馬廟在臨江舖

獅寶山廟在九溪舖

雞子山廟在高陞鋪

黃龍寺在高陞鋪一名鳳凰山廟創始無考康熙五十五年及乾隆二十五年重修

木桐寺在蹇家鋪創始無考明宏治間及

國初重修一名聖水仙山

仙女庵原名法華庵在蹇家鋪創始無考乾隆十九年僧嵩雲募修

梅林寺在界嶺前鋪新建

隆興寺在界嶺後鋪唐建明宏治朝及萬曆三十五年重修邑人雷思霈有記

永福寺在界嶺後鋪創始無考雍正九年重修

普通寺在界嶺後鋪寺坐東湖當陽界各半

元帝行宮在界嶺後鋪即修

二帝祠在河西口上岸

興隆庵在河西下岸

二郎廟在河西下岸

天龍庵在河西鋪

土城寺一名廣濟寺在河西鋪寺內有施與田地

廣化寺在河西鋪

向王廟在河西鋪一統志載相傳有歸州東陽人姓

向名輔隋大業間於所生之地穿山鑿石顯著靈異故人祀之

天王寺在河西舖

天臺觀在河西舖

白雲觀在河西舖乾隆二十四年建其山即土人呼

為鬼兒愁者是

觀音閣在河西舖落步壇新建

仙鶴觀在三斗舖

紫雲宮在北門外

鎮境山廟在北門外五里其前有閣可資遠眺旁植

竹木深秀有遠致寺後掘有深濠為漢逆吳三柱

犯順日屯兵處

真武廟在社林舖土人新建

雲台山廟在社林舖邊界

雲霧山廟在社林舖

金剛山廟在社林舖前昔無水乾隆戊寅年忽出湧

泉壬午年重修

大峰寺在大峰舖萬歷年間建

朝陽觀在大峰舖

小峰寺在小峰舖萬歷七年重建

新興觀在小峰舖乾隆庚辰年建

楞演寺在楞演舖北界

觀音廟在楞演舖東南界

黑虎廟在楞演舖

黃福仙山廟在霧渡舖乾隆丙子年建

五龍觀在霧渡舖一在河四舖

巖屋寺在樟村舖北界

鳳凰山廟在袁家舖

高龍寺在深溪舖

小寺庵在深溪舖

朝陽觀在紙坊舖西北

金相寺在紙坊舖

金寶觀在三溪舖

金盤寺在三溪舖

龜山寺在縣東北

鐵佛寺在縣北

鐵寶寺在縣西北

叢林寺在縣北

山建寺

白鶴觀

真珠庵

栢子庵

以上四寺舊志有今無考以上舊志

術伎

孫煥號文峯荆州人流寓彝陵善畫山水人物最生動者為漁樵圖恍觀問答情狀

高蔚然號霽仙邑人幼耽畫譜時竊揣摩能擅諸家之妙評者謂孫高並世倘得供奉

內廷竟似徐熙黃筌兩不相下

王世恩號霖墅邑廩生草書蒼勁名馳江浙間至今

文昌宮猶有遺筆

石碧號湘亭邑名士也善畫蘆鴈各得生趣觀者皆意往神移至今人猶寶之

李士開號豁軒歲貢生性端謹有古君子風書法蒼老遒勁為一邑巨擘人奉為模範焉

王世字號蘭亭邑庠生嘗精程邈隸法篆文獨步一時著有自若堂圖書譜行世人皆珍如拱璧

唐宗詩字訓言宗烈弟也清介特立敦行孝弟殫精墳典鍵戶不應試相國慶公采其名延為塾師客京師十二年及歸行李一肩大半琴書而已里中

高其節多賦詩贈之

張正丙號木生候選訓導書法秀勁逼真趙松雪士

林爭愛尚之

覃長釗字雲書考取臨雍執事任四川崇慶州吏目

再任保安州吏目未幾乞歸以書畫自娛風格清

妙超出塵表

僊釋

惺恒者慈雲寺僧嘉慶戊寅七月之望積薪焚化留

偈云當初不來如今何去慧燈不滅靈臺高炬風

帚支頭月印潭底眾善護法生死何異手自舉火

誦佛而逝邑人鄒散原日見之為贊曰何生何滅

了了大千炎炎劫火一朵青蓮

僧真倫號或齋為人靜穆善音律工碁詩學中唐社

友高其才望日與往來若幸得交參寥子云

寺觀

尚王廟在黃公山下

興福寺在普溪坪相傳漢時已建時崇徽九年燬於

兵土人黃郭氏率子姪重修

鐵佛寺在縣北三隅舖西北口南岸寺建已久明嘉

靖十五年重修明季燬於兵民有毀鐵佛為農器

者遇虎噬死

國朝道光二十九年里人重鑄像並葺寺且於寺前建

義學焉

二郎廟在小溪塔明季為賊燬

國朝道光十五年重修

南天山古廟去城十五里廟之下即馬難坡

觀音寺在五隴舖即古曹彬廟

炎帝宮在河西舖即古向王廟

大峯寺在大峯之下里人易姓率眾所建有飛鐘墮

潭側就其地掘之得石佛焉遂創此寺

三台山道觀在三台山之巔道士吉復林者自遠而

來耽其幽勝欲養真於此出橐裝得二百緡復募

土人得金四百相與增葺之俯挹羣峰高凌塵表

壯麗清虛至者不啻躡蓬閬陟方壺也

二聖寺在小峰舖距城百里前明時建

國朝屢經修治三峰峙其前寺後巨石倒懸如掛晶球

仰視鳳凰嶺銀鞍山俯臨佛泉寨金馬溪亦塵中

勝槩也

報恩寺在北左門內有四金剛像年久殘壞見者憮

然未能復也同治二年本任金大鏞捐錢重塑始

完好如初

靈濟宮在石門洞明代禱雨有驗勅建以祀龍神歲久頽圯額亦剝落本任金大鏞以同治元年祈雨於此捐金葺治易新額焉側有張仙祠靈佑宮祖師殿靈泉寺皆爲之倡捐以次繕葺焉

財神殿同治三年邑人新建在天官牌坊街

東湖縣志卷十九

藝文志

離騷爲風雅變聲實開南國之先東湖鄰屈宋之鄉昔賢流覽篇什長留然大如宋時修學記張存夔陵州志近如處士王席民詩皆散佚無從採錄餘燼殘篇動資考信復不爲收拾而寶貴之其甚微者有幾爰就見聞所及錄其體要者爲六卷志

藝文

詩

四言古

北魏

三峽謠

無名氏

朝見黃牛暮見黃牛三朝三暮黃牛如故

唐

夔陵歌

夔陵女子

明月清風良宵會同星河易翻歡娛不終綠樽翠杓爲君斟酌今夕不飲何時歡樂

宋

黃牛神贊

張文忠

壯哉黃牛有大神力輦聚巨石百千萬億劍戟齒牙

碓江側壅激波濤險不可測威脅舟人駭怖失色割羊醜酒千載廟食

按此詩見陸游入蜀記戰張文忠作文忠爲張詠之謚詠曾爲荆湖轉運使兩知益州疑即其入蜀時經過作此今別無可証附識以俟知者

明

劉文石祖母新建節坊喜贈四首 文安之

猗與九畹婀娜其花匪花斯紅永雪一涯令德有淑音徽莫遐遐矣則那視此六珈

汎彼楫舟荆門之決其上巖業懷清嗣響仙橋倚之藐

夏清集卷一
姑來往十二維何雲停月朗

江之清雲斯守矣采江得珠維其後矣江之永風斯湊矣采江得岷維後其右矣

皇皇天語嶽嶽貞坊湛湛露斯厥露爲霜卯金之後三世其昌世此勿替采組斯煌

國朝

三遊洞

王卜年

顯晦有時標名所由江浩而動溪安以流雲深洞口滅沒孤舟登涉草草古今一坵石苔滑履巖翠到眸若無素契坐山增愁遠山遙睇樵子清幽夏

漲春溫巖雪深秋等爲陳跡邈哉三遊我懷獨往

孤興誰倚

又

周邦新

面峰屹立往來所由洞懸巖半江豁溪流入峽見石開雲見舟煙深霧老天地荒坵淺草茫茫遥遥兩眸可與歷靜難與忘愁水伏山巖無人自幽斷碑殘石蕭然幾秋望而莫卽心懷所遊念茲泯茫孰與爲壽

又

王化濬

天然山骨披抉何由洞呈巖磴江截溪流濤聲護

翠嵐氣籠舟參差殘碣致况荒坵晴雲天外野草
盈眸樵人上下客子忘愁烟含雲靜藤施松幽除
苔尋蹟名字千秋匪我言逸惟子是遊捫蘿以往
和彼同儔

五言古

南北朝

奉和泛江

庾信

春江下白帝畫舸向黃牛錦纜回沙磧蘭橈避荻洲濕
花隨水泛空巢逐樹流建平船秭下荆門戰艦浮岸社
多喬木山城足迥樓日落江風靜龍吟迴上游

和趙王送峽中軍

庾信

樓船聊習戰白羽試搗軍山城對却月岸陣抵平雲赤
虵懸弩影流星抱劍文胡笳遙警夜塞馬暗嘶羣客行
明月峽猿聲不可聞

奉和趙王途中五韻

庾信

颺颺映車幕出没望連旂度雲還翊陣迴風即送師峽
路沙如月山峰石似眉村桃拂紅粉岸柳被青絲錦城
遙可望迴鞍念此時

唐

西陵峽

楊炯

絕壁聳萬仞長波射千里盤薄荆之門滔滔南國紀楚
都昔全盛高邱常望祀秦兵一旦侵彝陵火潛起四維
不復設關塞良難恃洞庭且忽然孟門終已矣自古天
地闢流爲峽中水行旅相贈言風濤無極已及余踐斯
地懷奇信爲爾江山若有靈千載伸知己

望荆門

陳子昂

楚郭微雨收荆門看在目漾舟水雲裏日暮春江綠
華淨洲渚夜色連松竹月出波上遲人歸渡頭宿一身
已無累萬事更何欲漁父自夷猶白鷗不羈束旣憐滄
浪人更愛滄浪曲不見眼中人相思心斷續

荆門浮舟望蜀江

李白

春水月峽來浮舟望安極正是桃花流依然錦江色江
色綠且明茫茫與天平透迤巴山盡摧曳楚雲行雪照
聚沙雁花飛出谷鶯芳耀却已轉碧樹森森邇流目浦
煙多揚帆海月生江陵識暹火應到渚宮城

山西陵上三峽

李白

巫山夾青天巴水流若茲巴水忽可盡青天無到時三
朝上黃牛三暮行太遲三朝復三暮不覺鬢成絲

宋

新開棊軒呈元珍表臣

歐陽修

東湖志卷十九
竹樹日已滋軒窗漸幽與人閑與世遠鳥語知境靜春光藹欲布山色寒尙映獨收萬慮心於此一枰競

蝦蟆培

歐陽修

石溜吐陰巘泉聲滿空谷能邀美泉客繫舸留崖腹陰精分月窟水味標茶錄共約試春芽槍旗幾時綠

下牢溪

歐陽修

隔谷聞溪聲尋溪渡橫嶺清流涵白石靜見千峰景崖花無時歇翠栢鬱何整安能戀潺湲俯仰美雲影

憶山示梅聖俞

歐陽修

吾思夔陵山山亂不可究東坡一堠餘高下漸岡阜翠

峰迤邐接四顧無前後憶嘗祇吏役鉅細悉經觀是時秋卉紅嶺谷堆纈繡林枯松鱗皴山老石脊瘦斷徑履頽崖孤泉聽清潤深行得平川古俗見耕耨澗荒驚麝奔日出飛雉雊盤石屢欹眠綠巖堪解綬幽尋歡獨伴清興思誰侑其西乃三峽險恠愈奇富江如自天傾岸立兩崖闕黔巫望西蜀越嶺通南秦時時縣樓對雲霧昏白晝荒煙下牢戍百仞寒溪激蝦蟆噴水簾甘液勝飲耐亦嘗到黃牛泊舟聽猿沈巉巉起絕壁蒼翠非刻鏤陰崑下攢叢嶂穴忽空透遙岑聳孤出可愛欣欲就惟思得君詩古健寫奇秀今來會京師車馬逐塵翳

冠各白髮舉酒無藉袖繁華不可慕幽賞亦難邁徒爲
憶山吟耳熱助嘲詬

出峽

蘇軾

入峽喜巉巖出峽愛平曠吾心淡無累過境卽安暢東
西徑千里勝處頗屢訪幽尋遠無厭高絕每先上前詩
尙遺路不錄久恐忘憶從巫廟回中路寒泉漲汲歸真
可愛翠碧光滿益忽驚巫峽尾巖腹有穿壙仰見天蒼
蒼石室開南嚮宣尼古廟宇叢木作幃帳鐵楯橫半空
俯瞰不計丈古人誰架構下有不測派石竇見天困瓦
棺悲古塋新灘阻風雪村蕭去攜杖亦到龍馬溪茅屋
沿村釀玉虛悔不至實爲舟人誑聞道石最奇寤寐見
怪狀峽山富奇偉得一知幾喪苦恨不知名歷歷但想
像今朝脫重險楚水渺平蕩魚多客庖足順行意頗王
追思偶成篇聊助舟人唱

蝦蟆培

蘇轍

蟆背似覆孟蟆頭如偃月謂是月中蟆閉口吐月液根
源來甚遠百尺蒼厓裂當時龍破山此水隨龍出入江
江水濁猶作深碧色稟受苦清潔獨與凡水隔豈惟煮
茗好釀酒更無敵

黃牛峽廟

陸游

夏清集元
三峽束江流崖谷互吐納黃牛不負重雲表恣蹴踏吳
船與蜀舸有請神必答誰解馬適別百歲割未合樅師
浪奔走烹彘陳酒榼紛然餒神餘羹炙爭嘖嚙空庭多
落葉日暮聲颯颯奇文疑可辨高古篆籀雜村女賣秋
茶簪花髻鬢匝襁兒著背帖妥若在楊山寒雪欲下
虎出門早闔我行忽至此臨風久嗚咽

峽州至喜亭

范成大

斷崖卧水口連岡抱城樓下有吳蜀客檣竿立滄洲雨
後漲江急黃濁如潮清時見出峽船鑿鼓譟中流適從
稠灘來白狗連黃牛渦湍大如尾九死爭船頭人鮮尙
脫免虎牙不須憂

虎牙灘

范成大

傾崖溜雨色慘淡水墨畫辛夷碎花懸癭木老藤掛翠
莽楚甸窮黃流蜀江下一灘今始嘗三峽此其亞雨點
鼓士摻雲騰挽夫跨驚心度石林破眼見村舍牛眠草
色襲夫吠竹林鐮步頭一樣船安穩睡殘夜

明

入峽

王紳

世傳三峽險吾身適屢往蕩舟趨洞流驚濤漾輕槳攢
峰開復合青天細如掌浪急先期程谷空答漁響回顧

東清集卷之六
上瀨人吾行若平壤日夕下夔陵祝酒相欣賞

黃牛峽

雷起劍

黃陵臨大道一過一回老况我落拓人蕭瑟涉冬草翻
恨夏后初疏鑿何太早不如仍吞魚長當人跡掃乃擬
桃花源更傲蹲鴟飽檣櫓胡爲來使人髮焦槁江流冬
亦寒亦寒占愁夫占愁夫

赴夔陵

偶桓

迢迢上夔陵意促日易暝亂石劖馬蹄叢棘罨衣領登
山若攀天度壑如赴井撫膺欲嘔心喘息屢延頸但逢
過虎跡爰絕行人影顧茲客懷惡况乃道里永毫素難
具陳聊以述短詠

西陵峽

陳禹謨

我登最高處四顧接雲烟荆門排十二江水瀉三千鬱
鬱隴頭樹濛濛峽裏天勝槩雄今古蒼茫不可攀曠然

東坡志林卷十九
九
情志過無復能拘攣

東山寺

陳禹謨

嘯侶遊東山登眺日初起且歌且啣杯探奇恣所履極
目心俱遠四面皆紅葉人言春日佳素秋亦可喜謝安
來往間王維圖畫裏

赤溪

陳禹謨

迢迢望赤溪溪水逝悠悠宇宙何寥廓我舟任遨遊獨
坐整釣竿釣彼魴與鯁翹首望嚴陵願言逝長流高風
如可親於焉相夷猶

黃牛峽聽棹歌聲

陳禹謨

舟人歌歎乃江空天籟鳴一歌江水綠再歌江水清
巍神禹績伊伊舟子聲厥聲何慘慄翻令客心驚順下
荆門去爨爨有餘情

爾雅臺對月

陳禹謨

爾雅臺上書皎皎臺上月對月好披書披書邀皎月景
純今往矣我思更鬱結豈無遊仙詠塵網難超越被髮
而設醢胡乃自淪沒

石門洞

陳禹謨

仙馭何年去雲湫有昔時石龍含激溜白鶴湛清池餘
瀝壑山響迴流出洞遲歲時方芷薦霖雨應如期閒來
東湖縣志卷十九藝文

頻玩樂爾我美珠嬉

三遊洞

陳禹謨

攬勝避塵氛，紆轡壘幽賞。捨舟一登陲，危磴千層上。鑄鼓皆天造，坐卧排石幌。微雨忽霏霏，雲霧開宏敞。而我繼昔游，幸徒驥俯仰。

五隴山

陳禹謨

我昔登五隴，而無煙與雨。放懷下漁磯，憑高眺遠浦。泱泱澗外田，依依壠邊樹。願言同心侶，相晤話覩縷。徘徊日將夕，啣杯不知數。

遊龍興寺見紫蟬泉

雷思霈

泉眼大如甕，穿鑿匪人工。深黝詎人測，石間聲淙淙。紫蟬從何出，遊戲漫流中。或出生風雨，或入侍虬龍。寒冽冷飴骨，淥淨淡僧容。潛通紫蓋脈，常有白雲封。火煎烹新茗，巖上拾枯松。主人留客夜，明月趁山童。

紀行詩

雷思霈

三月重三日，舟發日下春。夜宿津亭岸，南山翠且丰。神人陸法和，七勝築高墉。至今遺壘在，春草長茸茸。從此入洞口，負背如俯躬。蛇行走脣吻，豁然齒頰通。石柱撐空腹，螺頂盤穹窿。外可布几筵，內可設房櫳。上擊鐘磬，激不擊鼓。瑟瑟崑崙轉，旋室岱嶽藏。上宮剝落闕，題刻

守跡青苔蒙旁穿一小竇僅僅雙足重手捫兩石壁仰
止者玲瓏細膩勻胡粉光明鑑青銅下牢獅子吼前山
鵲尾供微徑步溪麓仰視如華嵩參差三五窟無路藤
蘿幪嵐氣所蠹蝕枝蔓所蕞龍其色各異狀常有紫霧
籠猱狖小於鼠蝙蝠大於鴻從此入峽口兩崖逼劍峰
天光狹白盍山勢曲烏弓岸石活糾虬茅茨疊房蜂漁
唱答虛響天籟奏絲桐巖乳滴成阜倒懸類雕蟲嵌空
一大許側薤垂玉葱舟人爭指點目眩心昭融如髻如
羽士如婦如漁翁漸至扇子峽蝦蟆泉淙淙願頤吻春
胞噏吸與生同挹茲品水味烹茗試小童聞說黃金藏

藏書玉軸封似是古三墳不以未濟終安能一遇之九
家未折襄揚帆疾千里逆遡萬壑衝須臾南沱下石鼻
屹而豐猿徒喪捷巧鼯族窮輕工望峽不辨牛青兕鬪
元熊霏霏雨乍作雷聲隱甃甃山青雲氣白雲薄山色
淡山腰雲不定明滅幻靡窮詰朝謁廟貌灑酒祝虔恭
宋勅滿玉璽山嶽視王公祇爲靈異跡非緣疏導功本
朝正名號祀典黜淫叢乃知大聖人作事萬古宗瀑流
名青點甘冽溜高松旁構一梵刹山僧作老農密竹覆
雙井窺之醪酒醴信宿上鹿角石與人爭雄壘塊與之
敵羣呼澆千鐘行行使君灘石研靡磨礪無端一夜水

灘沒拾無從回首黃牛山善畫難爲容蔚蔚霞氣表離
離天半中如十二城闕如九疊屏風如黑雲厭陳如皂
燾燔烽如鳥王扇海如修羅幃空如觸不周崩落勢走
大嶽如煉補天石漳漳遺陶鎔層巒及削嶂結構如輪
攻或負如晶屬或刻如蓬鬆或如巧樓閣或如古彝鏞
或如舞干羽或如飾簷樅笋芽如萸荻華瓣如芙蓉搏
擊如俊鶻奔逸如花驄行者戒舟楫好事欣奇逢石名
三無義盤渦碎艤幢飄飄如亂葉未至已妨凶驚靈所
開鑿夏后繼登庸何不去此石順百川而東造化易而
阻上聖神而憊不爾此疆界何以別夔卬無德刑牝牡

無經緯橫縱地因走輟險天因寒輟冬深山無虎豹
犀無蛟龍人事有反覆世道有汗隆砥柱與碣石未聞
刻却蹤夸娥二豎子王屋尙高崇欲尋屈原宅直踏
女峰青溪求兔谷丹砂訪葛洪九皇闕天篆列仙駕長
虹盧敖隨若士雲將遇鴻濛山靈驚知已一一扶筇
客從遠方至返棹月朦朦愧非吳道子嘉陵飽在胸
泛舟至煙收洲冉家湖同王焦二道人

雷思霈

泛舟五隴外停舟煙收涯沙乾浪痕細湖靜山影移石
隙老昌歎洲孺卧鷓鴣白雲出天上大江輕風吹雲皺

東坡志林卷十九
三
疊魚鱗江波吐蠶絲南望荆門關纍纍如拳持北望西
陵峽隱隱如霧披同遊者誰氏陟降不稱疲少室王子
晉東嶽焦鍊師歸帆風力疾明月肅水湄

長橋

雷思霈

西塞郭洲腦江漲如水磨冬涸烏石堆樹老古城破長
溪漾板橋淥沸不忍唾主人愛留客提壺隨地坐終夜
歡謔笑一醉不知卧呼舟上洞口雲暗雨朝過決力渡
南津肯爲山靈挫日亦不爲出雨亦不爲作漁舫藏石
巖繁穩風不簸洞壁多古刻歲久苔莠渥一一洗盪之
詔爲忘機餓巖花不知名恐供牧者莖採來字凌霜香

酸蠟梅佐

蝦蟆洞

雷思霈

天上蝦蟆精飛墮明月峽走過柝木津哆口河漢呷吐
吸扇子峰石竇雙爪搯泉眼大如屋漫流羃背胛滑浸
九節蒲崖花隙旁夾額上垂冰絃至今聲啾啾額下有
丹書科斗那得押當其噴恚時長江幾吞歎忽挂青蛇
劍蹙縮如土鴨晚逢陸道者自矜嘗水法虛張康谷尊
肯讓中冷壓我來春猶寒數步解衣袷秉燭半里許氣
蒸手揮筮深人詎可測重險勢益狹泉奔欲裂山萬馬
集鎧甲兩壁石乳結疑是鬼神插詭異非一狀幽探心

身清與志 卷一九
所洽假爾搗靈藥荷我鋤雲鋪老蟾頰無言我醉倒白

皓

九日平江閣讌集得裝字

文安之

涼秋曉露滋傑閣諸天迥寒林初魄登高霞散溟滓尋
菊經茶寮寒香雜茗偶聞松風生飛濤驚絕頂明燭
戰楸枰觴行恣酩酊繁吹凌山椒垂漢景逾炯有客矜
逃禪深語戒獨醒起視蒼藻光人與竹月並焚飲湛餘
瀝坐愛白衣裝欲補龍山亡予其愧匡鼎

龍泉曉發偕羅季玉于堯夫錢汝一

文安之

久客厭車馬久住傷離索共持精進心賈勇尋幽起
視桃李煙春光未云薄長松相與青同志有餘樂
馬理清言不復問寥落阿兄護馬短雖黃不言弱角抵爲
溪好三折驚夢作侵曉逐前路僕夫爭束縛寒流盪舊
暈埜燒肥秋穫露畦勞子婦周回肆力作顧我千里色
落月洗輕囊苦樂亦何恒斯言如可樂

執笏山

陳正言

山下看秋光秋光在山頂山上看秋光秋光歸一迥今
古此浩然曠觀入平等萬籟發其中星河動烟烟靜測
所由然於茲得清醒

國朝 欲訪三遊洞不果

王士正

舟下十二碛西陵遙在目江雲峽口多碛轉嶺千
曲悵望三遊洞靈異非一族石鐘卧蒼苔唐碣迷
深竹緬懷長慶人一往遂不復斜日下牢溪依依
為誰綠

黃牛峽

王汝驥

三峽天下奇黃牛險尤絕奔騰萬里流礧登兩崖
裂舟從罅隙行身在古石穴驚濤般怒雷觸石噴
晴雪纜牽如蟻進燒退只一瞥舟師喚奈何長

屢撐折哀猿數聲叫客子雙袖血到此英雄人自
顧同蠓蟻生涯抵投荒輕身計何堪載詠小晏詩
撫心媿前哲

十二培

盛錦

羣峰東奔流虎牙怒相向對峙十二培羅列鐘鼓
狀顛崖轟層霄旁竇穿激浪峽泉落九天洶洶翻
龍藏撐舟出井底篙師氣先喪眾工捷如隸百丈
緣壁上木末縱飛騰山凹迭升降一鼓更作氣千
篙力誰讓造化何神奇設此待霸王頗聞白帝子
於此拒漢將鐵鎖貫浮梁金戈森衛仗蕭銑復何

人屯兵倚疊嶂羣雄電掃空故壘猶在望平生歷
險艱未若茲遊壯萬里投蠻荒一身墮煙瘴風餐
案傾欹水宿迴震蕩搜奇命轉輕得句神益旺詎
畏前途修瞿唐險如象

過灘

盛錦

重峽間百灘一灘度一厄江渦眾壑趨厓口亂石
積大石疊竈鼉小石攢劍戟中流若沸川翻倒蛟
龍窟牽舟逼下流凜若阻兵革長篙拄峰腰遠纜
走山脊鳴金策眾工銳進不盈尺一絲中斷斷百
里供一擲觸石無完艘沉淵有驚魄是時雨初霽

沙石多滑澤亡命爭上厓匍匐落冠鳥婦孺互扶
攜雞犬任狼籍暫脫魚腹災波濤亦在席轉思斷
鯨初四極奠磐石豈其禹力衰此境終未闢吾尤
罪巨靈何惜隻手擘天宰直欲變人事日逼窄波
靜一潛鱗林深多歛翮寄語營利徒勿作遠行客

西陵秋興

方璵

謝桓不可作戲馬傳盛事秋色豈待人流光去如
駛夙慕終蘿溪夢想東山寺安得舒羈情迢迢落
空翠

渡江

湯斯祚

大江扼瞿塘建瓴三峽遶百折瀉荆門襟帶殊淵
溼我來虎渡口望古生情性踈岸萬綠楊泓沈楚
天淨旭日淡晨清中流平如鏡一葉渺橫波鳧鷖
與陶詠西湖岷山源青天崖石穿神哉鬼斧施疏
鑿夏后聖三朝上黃牛三暮行人病黃牛鞭不起
淚落猿鳴應至今灑灑舟傾安象馬偵我生癖好
奇歷險不論命茲行牽物役眷言阻終竟篋衍杜
陵詩默存聊盡興逝將飭斷家終焉學禽慶愜意
五嶽餘恣情三峽勝

送林平園之任東湖

饒學曙

林生學古人用意雅勤懇結髮爲弟昆十載驚過
眼西南慶得朋戴笠殊繾綣泰初磊落姿易少小
同里閉澄思事我翁李立雪當歲晚往還二三子
展屨到門限杖策自丁年連袂挿手版如摘頷下
髭先後那可辨都門再握手別人驚涕泣兒時硯
席徒萍梗自蕭散兄今結綬初我馬方得棧萬里
一歸人健足未嘗繭張燈讀行卷拍手雙目睥有
時作苦吟弔古泪難斷攻堅亦攻瑕得聞未可緩
古道斯尚存真氣今已罕東湖舊夔陵吳蜀此關
鍵風土定雄豪江流自清遠鳴琴山水間得意時

點撰緬思廬陵公歐陽文忠公風流在編簡紅梨

盛開時絳雪飛玉盃至今六一堂瞻湖同荆峴公

本勤吏事是以文學選秉燭治官書太息不能遣

文忠在楚事烹茲小邑鮮雅用大官憲茲行良不惡莫

忘鄉先典判牘任揮毫斟酌期盡善泥古或非時

狗末乃忘本無令刀筆兒笑我讀書舛蜀江萬里

波到此已曩坦三峽聽空舸猿聲下高巘荆門鄂

樹烟吹律回陽管哦詩出縣齋中有舊時伴

反嘲石嚴思潛

峽中山水之奇得未曾有其石勢之光怪陸離亦

復窮於構似范石湖嘲峽石篇概目以嚴思潛

論也為反其意擬此即次原韻非欲抵牾前人聊

代山靈解嘲云爾

峽山天下奇餘氣散為石雙足踏雲根失喜狂笑

啞或白如施鉛或黑如瀆墨怪賺米顛拜險類巨

靈坵縱橫披蕨皺參差中唐甓疊嶂帶浮嵐專車

存遺骸人巧本無功一一皆天錫斧鑿縱留痕未

須傷績襞始知神鬼工盡關陶冶力入蜀多名流

品題傳勝蹟時俗競姿媚欲惡動成癖葉公驚見

龍登徒空好色遂使峽山靈無端遭掎擊憶昔泛

吳江曾過劍池側千人豈足容一勺臨深碧大湖
雖未經嵌空聞載籍竭來三峽遊驚疑曾未覩楚
南詎少人間氣時鬱積逕欲沂黃牛探奇屈宋宅
中流歌楚騷亦足豪江國山水忽多情終古自融
液能言勢或憑移文謝吳客

長夏承王睿生昆季招集悠然亭分韻得見字
策馬出北門行行忘路遠冒暑不言疲小憩得高
鑪遂披鞞川圍入室增摧林踈櫺不障山宛向當
牕見松菊未荒蕪草木餘葱蘢攬勝景頻移探幽
情屢變一讀右丞詩清風起庭院

誓墓有遺文羲之語能踐肯構得名流花石餘
戀剪伐護甘棠士夫名節見選勝入芳叢文酒恣
懽讌蘋末起微風習習送餘善遂復倚南窓納涼
隨所便樵湖水淪漣葛道雲舒卷白眼笑英雄河
朔詎堪羨

飛鳥倦知還余亦徐徐返鞭梢揖斜曛交衢人影
亂移時馬首東登城途屢轉杯視大江流帆檣皆
可見東峽多高峰中藏天一線文藻日長留往事
紛爭戰回首望三臺雲煙亦變幻歸來月色新中
庭淨如練

三遊洞用謝康樂入華子岡韻 林有彬

蠶叢來萬里勢盡西陵山負江臨下牢溪曲噴飛
泉混沌鑿古竅羲皇失愚賢乳突懸鐘磬沙脊畫
陌阡遙矚古荒壘青燐生寒煙摩挲對絕壁鏘琤
忘真筌嗟嗟石篆齧姓字難與傳日仄循故步
滑却復前山腰綴村落竹塢流清溪駕言登梓杖
天風為颯然

長夏偕同人陪林竹溪巖潛庵宴集悠然亭有作

記事 郭江

三徑未云荒猶存舊松菊池館蕭以疎紛焉暮林

崖野水滋新篁鴉聲噪古木晴昔淵明
初服飲酒數長夕親戚相徵逐烏衣子弟佳

勤誦讀

連袂出城東一徑入青松天邊長炎日山彼爐火
紅相與一開襟選石坐深叢數點龍團餅腋下生
清風茶話良不俗互為談柄雄載啟文杏館豪興
尊疊重

堂廡廣且邃行厨過東籬坐客首西江主人三珠
奇天上張公子不屑籍金闈大小東西楊酒腸石
湖宜輸墨擬西園冠蓋高南皮酣歌不知暑清風

來紫微

雲情北山北雨意南山南雲雨不可測逸興從中
叅蒼江遠水動薄暮幽鳥還物理信無常盛衰在
其間人生及時樂莫遣損朱顏

泛舟同甘林友尋三遊洞

一舸溯晴川探奇喜同志湛湛峽江深古稱用武
地萬山接蠶叢割據弔漢季停舟履巉巖魚貫身
使臂捷者前徑趨升高望後跋險道怯回看已過
心猶惴惴進下牢溪登頓頓渾忘瘁溪水響澗流
憶昔年醉咫尺門戶迷失却山色

引侶爭先萃拂石掃莓苔指點元和宰感嘆別離
心遷謫友朋義撫時一腔愁懷古兩行淚星聚未
易逢流光何太亟不樂將奚爲天地小夢寐達人
歐與蘇騷雅力同肆先賢應有知音我杯酒醜

姜孝子祠

楊可榮

甘泉劈巉巖躍鯉不施罟神明爲吹噓天地爲揚
翮况皆倫類中歌思徧寰宇廣漢與江陽事跡由
來古楚語非關訛悠悠漢家土長川自西來浩瀚

江城許

三遊洞

洞門闢山半，靈空絕塵囂。峭壁尋無迹，瀟瀟溪聲
遙。英雄紛割據，古壘鬱迢迢。卓哉元與白，到此憫
寂寥。寒風起山峇，臥雲一相招。俯仰倚危石，清猿
發層嶢。以上舊志

明

宿黃陵廟

陳嵩極

黃陵夜色昏，剝啄呼僧起。片帆破浪來，驚魂若千里。
霖雨濕征衣，疎鐘搖定水。亂石塞江頭，何處禾蘋芷。

國朝

十二培

南淮 吳省欽

十二峰未來，十二培直上。纍纍土饅頭，墳起百餘
丈。峭立江一涯，虎牙互雄長。知是荆所門，闔關儼
成象。幾家下峽船，有槩不容盪。豈知溯洄人，牽船
頭欲搶紅花套。溶溶青草渡，茫茫苦無路。可乘鑿
險役，千掌剗石趾。可乘穴石縫，可纏後船踵。前船
如蝨緣衣幌，失勢一退飛。安免飽夔蝮，八么拒命
初。雨簇脩羅仗，闌櫓化烟灰。浮橋欲何往，時平兵
燹空。路陘風濤莽，惟有看山心。搘頤狎清賞，
甘泉寺姜士遜象

吳省欽

後漢書華陽國志姜詩東觀漢記作江詩且云

詩母好飲江水嗜魚膾詩取水濁死婦恐姑知
 稱詩游學於是泉出舍側井中旦旦出鯉以膳
 與范氏常氏所載小異而皆以為廣漢人今德
 陽有祠及故里予數過之東坡峽州甘泉寺詩
 自注姜詩故居放翁入蜀記峽有孝婦泉惟歐
 陽公詩自注甘泉寺有姜詩泉詩廣漢人疑泉
 不在此然泉與寺宋時已有而寺門四碑刻忠
 孝廉節四大字俗以為武侯書字泐近人重刻
 樹之辛丑九月十四日宜昌陳通守炯雲麓東
 湖陳尹聯捷方齊於此送余按施作此以示

打槳把陵導行謝鏡騎蒼梭斗入江蘿篠積鮮
 翠沿綠沙岸間雲壑轉幽邃茅店四五家石道八
 九隄橋碑三兩重忠孝廉節字斷非武侯書未載
 放翁詩泉秋稍枯且破古時寺秋苔綠映簾時
 菊黃覆石為地踞當中兒婦肅夾侍傳聞漢姜詩
 妻龐最同志魚躍蘆林譜入劇場戲我昔綿雅
 行悲賦以醉鼻每疑酈注訛姜江姓傳異繼讀東
 觀畫亦以系蜀才豈楚才失實髯詩議要惟
 淫祀鄉賴以風義明知鄉語謬孰敢擢其位後
 堂象伽藍神廟年利請看江維源濫觴理無二

身法要志卷之六
當別語邦君真化譏評

黃陵廟

吳省欽

連龍走峽江奮力排界昂然頭一伸乍出龍伯
鈞爾牛朝脫羶崖壁萬古不服箱隱約見
神勞神人衣紫裝短髮手執符命向鉤鈐坐受
楸枰遺異蒼梧地襲險森神鬼間直
禁鷓鴣到傳聞羽扇人作碑前訓誥被其奪溜來
望影相甲三暮復三朝華發獲謀欲憑愚公
移或乞真宰盜牛癩吾亦癩何物無靈真金運駘
榮落白狗伴騰跳夢闌烟雨疏疑聽叱聲

訪三遊洞

江陵劉士璋

朝踏赤磯頭泝舟尋往躅款乃一聲動春江山水
綠羣峰天上來連鰲對追逐確牙峙虎頭峽口忽
如束舍舟陟巖巖峭斥步屢蹙灰徑勦窈窕蒙密
紛蟠縮石罅僂僂過峰回路下曲巨洞闢然開豁
若覆蓬屋軒舉上層霄縣厓駭俯矚斗然萬山立
蒼翠向人撲流響何潺湲下牢溪共麓曲折爭赴
江嗟哉同瀾洑怪石森嶙峋譎詭難嬰僕或仰如
熊經或蹲如虎伏或鬚鬚其形或雌羸其族誰能
狀精靈庶幾然犀燭突兀三柱擎方圓勢轟轟

一屈鬱土囊雄風撼地軸忽聞壑聲響震走空谷
谿衍萬壑鳴勢欲吞嶽嶺掃石拂留雲席地濺飛
瀑櫻筍行廚來醴頭夜雨孰白日匿西山陰巖寒
起凜悲風嘯峽猿噫氣振林木緬懷長慶人未戍
相棖觸破雲飛山月憐奇竟忘宿

夔陵峽江對月寄王子壽

高要馮譽驥

迢迢江上舟皎皎天邊月峽樹交蔽虧江雲屢興
滅覽物情易盈懷人意難闕西上眷組綬東瞻軫
此別

似別感君心相送逾江分袂赤坂磯弭櫂青楓

林殷勤貢嘉藻悽惻奏清琴遵塗倏二云遠去去愁

孤吟

孤吟復淹時溯遊我行遲昨發楚關側今宿蜀川
湄霜靜陽岡露草明陰巖馳清暉渺難接千里徒

翹思

翹思在何許念子居荆門疎麻欲采折征鴻渺翩
翻分張雖有時會合期無誤歲首冀來時亮當果

歸言

偕鄧守之劉俊賢孫敬之羅南軒王策臣遊石門

洞得詩四首

王柏心

窺洞歷三游昔詫擅奇雋近聞談石門曠輿乃兼
勝裹糧約渡江沿谿躡山徑北嶺紛若延南峰起
相競屢盤途益高賈勇險彌進橫空何嵯峨積疊
屹雄峻石氣峭上干入天勢猶迸五城十二樓蕩
蕩幾千仞飛步莫能攀四顧絕梯磴訇然洞天開
軒豁頓坼壘初地甫容窺真形尚難定山僧候在
門導客陟蒼磴曜靈已下春暝色墮鐘磬

僧云客行倦腰脚迄小休臥雲亦良適揖我登高
樓窗中列羣岫拱揖同獻酬當洞月初上正掛白
玉鈎夾谿南北山寫影鏡中浮清光徹遠近可以

燭層幽皓然訝積雪坐我山陰舟憇關試舉手
摘斗與牛應有王子晉來作吹笙遊瓊瓏墮巖滴
響若鏗琳瓔夕唄互相會妙音清且適興闌各就
寢清夢落林叩致身已福地姑輟杞人憂

質明起窮探梵刹炫金碧月峽題張仙或疑幾過
迹土書今安存漉漫不復識旁立漱玉亭洞窟
仙液最勝靈濟宮有湫龍所宅歲早起爲霖
乃粒食靈澤漚茲潭方池湛深異斂智寂若愚
功不言德外無濫觴盈內有伏流匿尸居信至神
藏在淵默仰首睇洞門終日水簾織齟齬呀然

張石齒類鑿刻傍巖多飛蘿髯胡儼拂拭極左洞
 尤深風輪轉不息龍鹿立且蟠鱗角竝森植怪石
 疑通靈繼幽誰敢偏洞中洞復藏投足憚險仄伏
 池小有天十九記泉脈恐此或飛來安知造化力
 茲洞處下巖復有上與中巖各列三洞途危安可
 窮谿南望山腹有洞亦復同猗嗟混沌初斤斧何
 其雄石骨盡磔裂揮霍誰施工自非黃熊子
 難為功又疑地媪孕剖脇留虛空不然蛟龍
 湫去其宮幡腹納五寺曾不異岍嶮土石氣
 燥如春融龍威與委宛藏書當可充

境幽僻途辛通遊咏闕昔賢未得發其蒙
 留句細響慚秋蟲安得驚人詔萬壑爭穹窿
 宴集悠然亭
 覃宏澤

三徑未云荒猶存舊松菊池館蕭以疎紛馬幕林
 屋野水滋新篁鴉聲噪古木疇昔淵明公來歸遂
 初服飲酒數晨夕親友相徵逐烏衣子弟佳翩翩
 勤誦讀

蝦蟇培
 監利龔紹仁
 山勢牛犇猶駭矚心頗嫌清溪轉前峽夕麗開重
 檐有墓向洞躡背上水鋪簾點點翠玉霏穆穆綠

毛織理策登巨頤異境得欣瞻泉味品第四甘冽
飲無厭此物何年來疑卽廣寒蟾姘娥不肯顧幽
壑且深潛口吸天河乾潤灑下土露五色耀龍鱗
功用爾能彘祇恐他飛去隕石受雕鑿

杪秋偕周柳溪馮谷伯遊三遊洞分得洞字

羅應箕

秋高資遊鱣觸境神先動沉思了不知情馳牽疑
夢鄣西富奇巘名勝傳古洞偶至懸宿心况復良
友共相攜趁小航半帆輕風送躡磴憑搯筇足弱
步難縱峰轉徑隨人青豁天坼縫霜葉點嫩紅桃

花何年種溪喧滿壑聲佛分岩腹共儻然冷翠中
谷鳥時一啣石房恣偃仰有如身入甕濁酒澆復
傾微嫌涼意重嘆息白蘇遙天地忽唐宋冥雨從
西來林巒濕雲擁遠燒上孤烟巧補前崖空長嘯
發靈籟安與飛仙鞢殘碑剔綠苔徒生後來痛日
墮晚江寒流波歸舟弄

望洲山歌

劉祖敬

上山山路逼下山山路陡上山與下山偏多行人
走莫言山路窄莫言山路永世路繞羊腸人忽不

自省

爾雅臺

范學周

臺高瞰明月蟾宮如金闕西晉仰景純當年筆已
絕注疏十八秋風雨幾經歇窗櫺面江流城北波
光渤殘碣留前徽不與螭蜺沒

爾雅臺

王國祥

晉代部景純遺經獨抱者何年寓樊陵辛勤註爾
雅省識山川形築臺城閣下土脈取中州仙靈見
非寡江賦誠滄通亥丞辨真假環繞雅臺
水清瀉摩挲游仙筆蟲魚蒼苔蒼自從建
雀無片瓦斯文日再中突葉心藏寫西河一綫

九流資陶冶千載此登臨迥異白蓮社嘯歌
杯列檐銀燭地想像公風流出塵更瀟灑惆悵
草荒臺前少獻馬六代有遺音才華真董賈遠
古作者姬公卜子夏

三遊洞懷古

龍錫

不斷棹歌聲長江東一綫溪流噴玉花濃嵐近撲
面捫徑尋岩肩深洞岬然見未須登躡勞幽閒足
賞戀靈奇豈勝探茲洞據形便乃嘆天然境斯爲
地所限遊者繁多人名隨草木變惟白及大蘇於
今動健羨元和至元豐唐宋兩相豔或以左遷來

或因宦遊倦一時聊抒懷千載談相炫樂天初來
遊於時非清宴幽燕方割據淮蔡驚震電東坡追
遊日宋亦失民鑑興利及錙銖蚩蚩苦聚斂每有
竊發徒擾攘迨畿甸而此川楚處安謐樂定實所
以騷雅人猶得肆清譙二公經濟才忠讜本宿念
何弗攄殷憂乃僅抒繾綣身苟不在位言之祇取
厭故將山水情繪成冰雪卷流連光景辭可置勿
深辨

靈洞仙湫

唐秉意

石門何年開石洞自今古洞裏石潭清洞口撐石

柱岩懸樹倒生峯缺雲爭補萬壑吼松風寒泉滴
玉乳怪爭海市樓造物逞鬼斧到此祈甘霖有龍
應鳴鼓天外走轟雷烟霧隨吞吐大雨及時行歲
稔歌樂土不住張三丰誰識神仙府

五隴煙收

唐秉意

家在黃葉村五隴勢聯絡小艇釣歸來煙收月未
落平生慎風波浪遊非所樂上水蜀道難下灘虎
牙惡

守夜媪

戊午團練作

孫可欽

雨歇寒夜黑路滑行不得官派往查街團練郡城

北二鼓更初動傳號傳百總練勇七八人捕賊各
認真十戶給一柶無論富與貧行過社壇口老婦
立門首呱呱一嬰孩凍悚皆束手壁穿戶欲裂單
衣冷似鐵燈盞乾無油燈影半明滅遠望見我來
連擊柝聲催我立頻相問未言先自哀有子方壯
時今春賊殺之孫留幼婦嫁翁病命如絲今輪妾
守夜號令如山下牌長門前呼無錢顧更夫不然
將議罰空堦長嗟吁我聞嘆不已我亦爲人使淚
垂兩無聲風吹破燈紙

桃花魚

王大權

象何取乎花適逢桃花漲名何被以魚適逢魚
浪蕩漾饒丰姿簇簇生新樣乍開儼吐蕊應合如
脉望形下躍淵機形上臨風狀弱質殊鱖肥亦隨
流水若何須緣木求得所春江上笑他武陵人結
網空調悵

西陵晚眺

閻大鏞

策杖登高岡江城盡在目夕陽雅背紅秋水鴨頭
綠蟾光離海角影已掛松竹山頭鳥飛還溪畔人
止宿林叟淡忘歸對景暢所欲緬懷桃源人同此
無拘東漁歌杳不聞樵唱自成曲隔江來鐘聲穿

林風斷續

明月池

曹學淵

臺高明月空池開明月補此邦毓人文墨蘸筆花
吐注疏十八年推意影入戶桂魄暈水圓常照圖
書府西晉湖景純淘汰成千古倒映如澄潭憑誰
能修斧

黃金藏

鄒世鍾

買舟湖南津尋幽入峽口嵯峨窮萬態怪石連雲
走一峯高插雲蒼翠迷左右有穴隱半壁嵌空如
甕牖舍舟躡崖磴攀藤屨頰首黝然空洞中谷風

尚抖擻出洞方錯愕鳥道逢林叟云是黃金藏佳
名傳已久昔有采樵人探奇陟雲阜入穴得石匣
光潤猶未朽匣中藏寶籙文字皆科斗樵人持之
歸挾書獻太守太守博雅才道奧差能剖所得黃
金經人世無比偶呵護有鬼神語言燦星斗因憶
圮橋遊納履書能受大業濟艱難遐域登仁壽黃
石跡已杳我來何獨後惆悵峽江流終古灘聲吼
黃牛灘

孫德元

有歌不扣舷有神惟醞酒可憐江上人幾日成白
首

三遊洞

孫德元

三遊自千古唐宋留片土悠悠已經年儼如清虛
府峭壁對巖巖日影現卓午秋來發幽花春去聞
杜宇野竇出白雲危峯瀉鐘乳林深鳥避人峽近
猿升樹樵夫攀葛藤山婦採蘭杜溪水下牢喧白
晝聽疑雨我來懷前賢流風誰步武殘碑織蝸紋
字缺蒼苔補清風時留人明月自作主元白事已
陳三蘇歷歷數桃源昔避秦此洞亦足取可有避
秦人殷勤問漁叟

泉湖龍潭

王定安

山川有奇趣巖穴多靈湫圓折蘊明月沈沈
蚪清冽無盈竭深森絛翬浮鷺瀉揚素光潑潑聲
咽幽靜聽怡心神俯啜清煩憂緬想飛躍者隱見
良自由潛鱗避曝鰓戢翼乘流蘊真雖自媚表
靈輒揚休傾甌降甘醴灌溉滋農疇旱魃不爲虐
田禾乃有秋濟物功良厚雨人恩亦周安能恢膏
澤博濟遍九州

東山寺

王定安

藹藹東山巔悠悠圖畫裡密密衆林環峩峩飛棟
峙上控西陵峽下帶湖南水萬壑遠朝空羣山遙

邈迤昔時宦遊人今日釋迦子人易寺不遷佳勝
長如此烹茶熾秋紅對酒鬪春紫林深鳥語咽客
靜龙吟止月出牧未歸日高僧不起參此靜中機
默悟禪者理對景意飄然林卧觀無始

西陵十詠

選二首

楊毓秀

蜀漢天府雄峽州此鍵鑰堂堂諸葛君千載仰奇
略籌策躬已瘁健筆猶鋒鏑殘碣江臯峙寒風吹
日落

武侯碑

石門誰造奇潛龍鑿幽穴龍飛已千年洞勢
屈白晝陰風涼素秋寒潭潔絕壁仙人書風雨

不滅

石門洞

楊蔚春

觀峽

峽勢刀削峭水流箭飛疾雨險忽相持怒激蛟龍
烈吹沫雪花噴掉尾橫流折舟行蟻穿珠石罅時
出沒湍急篙難持安危爭一瞥借問舟人子立身
何險絕世情皆如斯險夷安可別聞言心神竦山

猿嘯淒切



縣志

卷十九

廿

夏... 卷之...

賞觀野史

向劍... 出... 感... 知... 未... 雲... 外... 實... 卓... 氣... 對... 亦... 林... 舟... 行... 難... 矣... 耗... 不... 輪... 劫... 劫... 變... 凡... 消... 融... 水... 流... 滄... 海... 幾... 兩... 劍... 忽... 林... 林... 焚... 燬... 如... 雷... 不... 滅...

林... 蕩... 春...

不滅

